



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ

PRIME MINISTER OF THE REPUBLIC OF ARMENIA

ՀՀ վարչապետ Հովիկ Աբրահամյանի շնորհավորական ուղերձը Սահմանադրական դատարանի ստեղծման 20-ամյակի առթիվ

Սահմանադրական դատարանի մեծարգո՝ նախագահ,

Հայաստանի Հանրապետության կառավարության և անձամբ իմ անունից շնորհավորում եմ Ձեզ, Սահմանադրական դատարանի բոլոր անդամներին և ողջ աշխատակազմին՝ Սահմանադրական դատարանի ստեղծման 20-ամյակի կապակցությամբ:

Անգնահատելի է Սահմանադրական դատարանի դերը մեր երկրի արդարադատության կայացման և զարգացման գործում: Այս ինստիտուտը կարևորագույն նշանակություն ունի սահմանադրությամբ հաստատված ժողովրդավարության, պետական կարգի, մարդու իրավունքների և ազատությունների պաշտպանության գործընթացներում: Սահմանադրական դատարանն անցած երկու տասնամյակի ընթացքում իր գործունեությամբ կարողացել է արժանանալ ՀՀ քաղաքացու վստահությանը՝ իր աշխատանքը ծառայեցնելով բացառապես ի շահ Հայաստանի Հանրապետության սահմանադրական կարգի ու սահմանադրական արդարադատության պահպանման: Համոզված եմ, որ գալիք տարիների ընթացքում ևս այս կարևորագույն ինստիտուտը շարունակելու է լավագույնս կյանքի կոչել Սահմանադրությամբ ամրագրված իր լիազորությունները՝ նպաստելով Հայաստանի Հանրապետությունում արդարադատության, ժողովրդավարության, քաղաքացու իրավունքների պաշտպանության հետագա զարգացմանը:

Կրկին շնորհավորելով Սահմանադրական դատարանի ստեղծման 20-րդ տարեդարձի առթիվ՝ մաղթում եմ նորանոր հաջողություններ և բեղմնավոր գործունեություն՝ հանուն ձեր կարևորագույն առաքելության կյանքի կոչման:

Հովիկ Աբրահամյան *Հ. Աբրահամյան*

ՀՈՎԻԿ ԱԲՐԱՀԱՄՅԱՆ